

## სახელმწიფო შესყიდვის შესახებ ხელშეკრულება № 000/111/11/17.

ქ. თბილისი

22 ნოემბერი, 2017 წელი

**შემსყიდველი:** შპს „საქაერონავიგაცია“ (ს.კ. 208144051),

წარმოდგენილი გენერალური დირექტორის, გოჩა მეზერიშვილის სახით,

**მისამართი:** ქ. თბილისი, აეროპორტი 0198, ტელ. 274-42-27

**საბანკო რეკვიზიტები:** ს.ს. „თიბისი ბანკი“ ბ.კ. TBCBGE22

ა.ა GE19TB7188636070100001.

**მიმწოდებელი:** შპს „ჯი თი ეს ელექტრონიკსი“ (ს.კ. 205029351)

წარმოდგენილი გენერალური დირექტორის, დავით ქოჩიაშვილის სახით,

**მისამართი:** თბილისი, ვაჟა-ფშაველას გამზირი მე-4 კვარტალი, მე-4 კორპუსი, ბინა 25, 0106 (იურიდიული მისამართი), მოსკოვის გამზირი №35, 0137 (ფაქტიური მისამართი).

ტელ: +995 32 710 800 / +995 32 710 900 / +995 77 211-999.

**საბანკო რეკვიზიტები:** სს „ვითიბი ბანკი ჯორჯია“, ბანკის კოდი: UGEBGE22

ანგარიშის ნომერი: GE28VT0400108014803602.

### მუხლი 1. ხელშეკრულების ობიექტი

- 1.1. ხელშეკრულების ობიექტია დიზელ-გენერატორების, უწყვეტი კვების წყაროების (UPS) და ავტომატური ძაბვის რეგულატორების (AVR) ტექნიკური მომსახურების შესყიდვა, საჭიროების შემთხვევაში, სათადარიგო ნაწილების მიწოდებით (შემდგომში, მომსახურება).
- 1.2. დიზელ-გენერატორების დასახელება, მახასიათებლები და ადგილმდებარეობა მოცემულია დანართ №1-ში, ხოლო დიზელ-გენერატორების ტექნიკური მომსახურების აღწერილობა მოცემულია დანართ №2-ში. უწყვეტი კვების წყაროების (UPS) დასახელება, მახასიათებლები და ადგილმდებარეობა მოცემულია დანართ №3-ში, ხოლო უწყვეტი კვების წყაროების (UPS) ტექნიკური მომსახურების აღწერილობა – დანართ №4-ში. ავტომატური ძაბვის რეგულატორების (AVR) დასახელება, მახასიათებლები და ადგილმდებარეობა მოცემულია დანართ №5-ში, ხოლო ავტომატური ძაბვის რეგულატორების (AVR) ტექნიკური მომსახურების აღწერილობა – დანართ №6-ში.

- 1.3. ხელშეკრულება იდება **N<sup>o</sup>NAT170012197** ელექტრონულ ტენდერში გამარჯვებულ პირთან.
- 1.4. შესყიდვის ობიექტის კლასიფიკატორის კოდია **50500000**.
- 1.5. შპს “საქაერონავიგაციის” რესურსის მოთხოვნის განაცხადი **N<sup>o</sup>375-17**.

## **მუხლი 2. ხელშეკრულების შესრულების კონტროლი**

- 2.1. შემსყიდველი უფლებამოსილია განახორციელოს კონტროლი ხელშეკრულების პირობების შესრულებაზე, რომლის მიზანია მომსახურების მოცულობის, ხარისხისა და გაწევის ვადების შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებს თენგიზ ღონდარიძე, ფეშტუს სამსახურის მე-3 კატეგორიის ინჟინერი.

## **მუხლი 3. მომსახურების გაწევის პირობები, მიღება-ჩაბარების წესი**

- 3.1. მიმწოდებელმა მომსახურების გაწევა უნდა დაიწყოს შემსყიდველის შეტყობინებიდან არაუგვიანეს 24 საათისა ქ. თბილისში, ხოლო - არაუგვიანეს 48 საათისა რეგიონებში.
- 3.2. მიმწოდებელმა უნდა უზრუნველყოს მომსახურების გაწევა შემსყიდველთან წინასწარი შეთანხმებით. მიმწოდებელმა წინასწარ უნდა აცნობოს შემსყიდველს მომსახურების გასაწევად მობილური ჯგუფის გაგზავნის შესახებ (შემსყიდველს ელექტრონულ ფოსტაზე ([i.tavadze@airnav.ge](mailto:i.tavadze@airnav.ge)) მიაწოდოს სია და ჯგუფის წევრთა პირადობის დამადასტურებელი მოწმობების ასლები) რათა შემსყიდველმა დროულად შესძლოს მობილური ჯგუფის საშვებით უზრუნველყოფა. (მობილური ჯგუფის წევრები ვალდებული არიან ობიექტზე შესვლისას თან იქონიონ პირადობის დამადასტურებელი მოწმობები).
- 3.3. მომსახურების გაწევის დაწყებამდე მხარეები ადგენენ დეფექტურ აქტს, რომელშიც უნდა აღინიშნოს გასაწევი მომსახურების აღწერილობა, საჭიროების შემთხვევაში, მისაწოდებელი სათადარიგო ნაწილების ჩამონათვალი, მათი ღირებულება, მომსახურების გაწევისა და დასრულების ვადა. დეფექტურ აქტს ხელს აწერენ მხარეების უფლებამოსილი წარმომადგენლები.
- 3.4. თუ მიმწოდებელმა ვერ გამოასწორა ხარვეზი მომსახურების გაწევის დაწყებიდან 72 საათის განმავლობაში, მაშინ მას განესაზღვრება დამატებით 24 საათი ხარვეზის აღმოფხვრამდე დიზელ-გენერატორის, უწყვეტი კვების

- წყაროს (UPS-ის) ან ავტომატური ძაბვის რეგულატორის (AVR) შესაბამისი სიმძლავრის აგრეგატით ჩანაცვლებისთვის.
- 3.5. აგრეგატების შეკეთებისას დაუშვებელია შეკეთებული ნაწილების გამოყენება. დაზიანებული ნაწილი უნდა შეიცვალოს ახლით.
  - 3.6. მობილური ჯგუფის მეშვეობით გაწეულ ტექნიკურ მომსახურებაზე და მიწოდებულ სათადარიგო ნაწილებზე უნდა გავრცელდეს მინიმუმ **ერთწლიანი საგარანტიო ვადა**.
  - 3.7. შემსყიდველის მოთხოვნიდან მომსახურების გაწევის საერთო ვადაა სახელმწიფო შესყიდვის შესახებ ხელშეკრულების ძალაში შესვლიდან **2019 წლის 31 დეკემბრამდე**.
  - 3.8. მიმწოდებელი ვალდებულია უზრუნველყოს შემსყიდველი 24 საათიანი ცხელი ხაზით. შემსყიდველს უნდა ჰქონდეს შესაძლებლობა, საჭიროების შემთხვევაში, შეტყობინება დაუტოვოს მიმწოდებელს ცხელ ხაზზე და ელექტრონულ ფოსტაზე 24 საათის განმავლობაში.

#### **მუხლი 4. ხელშეკრულების ღირებულება და ანგარიშსწორების წესი**

- 4.1. ხელშეკრულების ჯამური ღირებულებაა **295000 (ორას ოთხმოცდათხუთმეტი ათასი) ლარი** დღგ-ს ჩათვლით.
- 4.2. პრეისკურანტის ჯამური ღირებულებაა **2090883.98 (ორი მილიონ ოთხმოცდაათი ათას რვაას ოთხმოცდასამი ლარი და 98 თეთრი) ლარი** დღგ-ს ჩათვლით.
- 4.3. ჯამური ღირებულება მოიცავს ხელშეკრულების შესრულებასთან დაკავშირებულ მიმწოდებლის ყველა ხარჯს და კანონმდებლობით გათვალისწინებულ გადასახადებს დღგ-ს ჩათვლით.
- 4.4. პრეისკურანტი მოცემულია ხელშეკრულების დანართებში №2, №4 და №6-ში.
- 4.5. გადახდის ფორმა - უნადლო ანგარიშსწორება.
- 4.6. ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად დეფექტური აქტისა და მიღება-ჩაბარების აქტის ხელმოწერიდან, შემსყიდველისთვის საგადასახადო ანგარიშფაქტურის წარდგენიდან 10 დღის ვადაში.

#### **მუხლი 5. მხარეთა უფლება-მოვალეობანი**

- 5.1. მიმწოდებელი ვალდებულია:

- 5.1.1. მომსახურების გაწევა უნდა დაიწყოს შემსყიდველის მოთხოვნიდან არაუგვიანეს 24 საათისა ქ. თბილისში, ხოლო - არაუგვიანეს 48 საათისა რეგიონებში.
- 5.1.2. გასწიოს მომსახურება ხელშეკრულების ძალაში შესვლიდან **2019 წლის 31 დეკემბრამდე**.
- 5.1.3. უზრუნველყოს დეფექტურ აქტში მითითებული მომსახურების გაწევა და სათანადო ნაწილების მიწოდება ხელშეკრულებით განსაზღვრულ ვადაში.
- 5.1.4. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.
- 5.1.5. შემსყიდველის მოთხოვნის საფუძველზე მიაწოდოს მას ინფორმაცია ხელშეკრულების პირობების შესრულების თაობაზე.
- 5.2. მიმწოდებელი უფლებამოსილია:
  - 5.2.1. მოითხოვოს მომსახურების ღირებულების დროული და სრული გადახდა.
  - 5.2.2. მოითხოვოს ხელშეკრულების პირობების დაცვა.
  - 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
  - 5.3.1. გადაუხადოს მიმწოდებელს ხელშეკრულების ღირებულება მომსახურების გაწევის შემდეგ ამ ხელშეკრულებით დადგენილი წესით.
  - 5.3.2. შეამოწმოს გაწეული მომსახურების შესაბამისობა ხელშეკრულებით დადგენილ ხარისხთან.
- 5.4. შემსყიდველი უფლებამოსილია:
  - 5.4.1. განაცხადოს პრეტენზია გაწეულ მომსახურებასთან დაკავშირებით, თუ იგი არ შეესაბამება ხელშეკრულებით დადგენილ მოთხოვნებს.
  - 5.4.2. განახორციელოს კონტროლი და ზედამხედველობა ხელშეკრულების შესრულებაზე.
  - 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

## მუხლი 6. მხარეთა პასუხისმგებლობა

- 6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ჯამური ღირებულების 0.1%-ის ოდენობით ყოველი გადაგადაცილებული დღისთვის, მაგრამ არაუმეტეს ხელშეკრულების ჯამური ღირებულების 10%-სა.
- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველ გადაგადაცილებული დღისთვის, მაგრამ არაუმეტეს ხელშეკრულების ჯამური ღირებულების 10%-სა.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

## მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 7.2. ხელშეკრულების მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს

ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

## **მუხლი 8. ხელშეკრულების შეწყვეტა**

- 8.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
- 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვად(ებ)ში არ შეუძლია მომსახურების გაწევა.
  - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
  - 8.1.3. საქართველოს კანონმდებლობით გათვალისწინებულ სხვა შემთხვევებში.
  - 8.1.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.
  - 8.1.5. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

## **მუხლი 9. ხელშეკრულებაში ცვლილებებისა და დამატებების განხორციელების წესი**

- 9.1. ხელშეკრულების ნებისმიერი ცვლილება ან დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

### მუხლი 10. დავების გადაწყვეტა

- 10.1. მხარეები ვალდებული არიან მოავარონ ყველა უთანხმოება მოლაპარაკების გზით. ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

### მუხლი 11. ხელშეკრულების მოქმედების ვადა

- 11.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 იანვრამდე.

### მუხლი 12. დასკვნითი დებულებები

- 12.1. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

### მუხლი 13. მხარეთა ხელმოწერები

შემსყიდველის სახელით:

მიმწოდებლის სახელით:

გორა მეზერიშვილი

დავით ქოჩიაშვილი

გენერალური დირექტორი

გენერალური დირექტორი

